



Bangla Feature Writing

Course Name: Advanced Bangla Writing Skills
Course Code: GEF1203
Semester: Fall 2022

Submitted to

Bikash Ch. Bhowmick

Assistant Professor

Department of Media Studies and Journalism
University of Liberal Arts Bangladesh

Submitted by

Ebsan Zaman Dipto

ID: 221012038

Department of Media Studies and Journalism
University of Liberal Arts Bangladesh

Name in Bengali: ইবসান জামান দিপ্ত

ID No.: 221012038

পৃথিবীর সবথেকে শীতলতম গ্রামে মানুষ গোসল করে কিভাবে?

গোসল আপনার নিত্যদিনের একটি জরুরি অভ্যাস। যা আপনার শরীর পরিষ্কার করে এবং আরাম দেয়। বাংলাদেশের মতো আর্দ্র আবহাওয়ার দেশে আপনি যদি প্রতিদিন গোসল না করেন তাহলে আপনার শরীরের বিষাক্ত পদার্থগুলো আপনাকে অসুস্থ করে ফেলতে পারে। কিন্তু শীতকালে আমাদের সকলেরই গোসলের প্রতি একটা অনীহা তৈরি হয়। তার ওপর তাপমাত্রা যদি হয় মাইনাসে তাহলে তো গোসলের প্রশ্নই আসে না। তেমনি সাইবেরিয়াতে গোসল একটি অসাধ্য ব্যাপার। ওখানে যদি আপনি পানি ফুটিয়েও নেন তবুও তা মাথা থেকে পা পর্যন্ত যেতে যেতে জমে যাবে। তাই সাইবেরিয়ার মানুষ একটু ভিন্নভাবে তাদের দৈনন্দিন জীবনের এই অভ্যাস অব্যাহত রাখে।

রাশিয়ার বিস্তীর্ণ বরফে ঢাকা একটি পাহাড়ি অঞ্চলের নাম হল সাইবেরিয়া। এখানকার জীববৈচিত্র্য যেমন বিচিত্র তেমন এখানকার মানুষের অভ্যাসও বড় বৈচিত্র্যময়। এই সাইবেরিয়ার একটি গ্রাম হল ইয়াকুতিয়া যা পৃথিবীর শীতলতম গ্রামগুলোর একটি। এখানে তাপমাত্রা -৫০ ডিগ্রি সেলসিয়াস থেকে -৭২ ডিগ্রি সেলসিয়াস পর্যন্ত নেমে যায়। যেকোনো পদার্থ এখানে নিমেষে জমে যেতে পারে। এমন বৈরী আবহাওয়ায় পরিষ্কার পানির জন্য এই গ্রামের মানুষ নদী থেকে চার কোনা বরফ কেটে আনে এবং বাসস্থান গরম রাখার জন্য গ্রীষ্মকালেই





জ্বালানি হিসেবে কাঠ যোগাড় করে রাখে। তবে এখানকার মানুষ আর পাঁচটা দেশের মানুষের মতো স্বাভাবিক নিয়মে গোসল করে না। এখানে গোসল করার নিয়ম কে স্টিম বাথ বলা হয়।

রাশিয়াতে এটিকে সাওনা বলা হয়। যদিও এ দুটির প্রয়োগিক কিছু ভিন্নতা রয়েছে।

তারা একটি সিলিন্ডার আকৃতির লোহার পাত্রে কিছু পরিষ্কার নদীর পানি এবং বরফ ভর্তি করে ১০০° সেলসিয়াস পর্যন্ত ফুটায়। এতে যে বাষ্প তৈরি হয় তা একটি পাইপের সাহায্যে একটি বদ্ধ ঘরে নিঃসরণ করা হয়। প্রায় ২০ থেকে ৩০ মিনিট তারা বদ্ধ ঘরে বসে থাকে। বসন্ত রোগাক্রান্ত রোগীর গায়ে যেভাবে নিম্ন পাতা বোলানো হয় তেমন ওক গাছের পাতা দিয়ে তারা শরীরের বিষাক্ততা এবং জীবাণু পরিষ্কার করে। প্রতিবার স্টিম বাথ এর জন্য প্রচুর পরিমাণ জ্বালানি কাঠ প্রয়োজন হয়, এজন্য ইয়াকুতিয়া গ্রামের মানুষ শীতকালে সপ্তাহে একবার স্টিম বাথ নেয়।

স্টিম বাথ বা সাওনা রাশিয়ানদের একটি ঐতিহ্য। এমনকি গবেষকরাও বলেন স্বাভাবিক গোসলের থেকে স্টিম বাথ মানুষের স্বাস্থ্য ভালো রাখে এবং মস্তিষ্ক শিথিল করে। অনেক সময় ইয়াকুতিয়ার মানুষ যারা ঠান্ডা সহ্য করতে পারেন তারা নদীর উপরের বরফের স্তর কেটে নিচের ঠান্ডা বরফ জলে ডুব দিয়ে গোসল করেন যা আপনার আমার মতো স্বাভাবিক মানুষের জন্য অসম্ভব প্রায়। একে বলা হয় আইস বাথ। এভাবেই ইয়াকুতিয়া গ্রামের মানুষ পরিষ্কার-পরিচ্ছন্ন থাকছে এবং এমন বৈরী আবহাওয়াও তারা খুব স্বাচ্ছন্দে জীবন যাপন করছে।

References: <https://youtu.be/681TWckKj9g>